



# Xingwavila xa nsuku



**Komello Moloji**



Koti ri le ku haheni exhibakabakeni, ri haha ri ya henhla na le hansi na ku penyuluka. Koti a ri ri na xingwavila xa nsuku.

Loko ra ha tlanga na ku haha ri ya henhla, xingwavila xi wele ehansi. Koti ri yile ri ya kombela swinyenyana ku va swi ri pfuna ku lava xingwavila lexi nga lahleka.





Koti ri vonile Xikhovha.

“Avuxeni, Xikhovha. Ndzi kombela ku pfuniwa. Ndzi lahlekeriwile hi xingwavila xa mina xa nsuku.”



Xikhovha xi hlamula: “Ndzi ta pfuna hi ku lava navusiku. Matihlo ya mina lamakulu ya kota ku vona ku antswa loko ku ri na xinyami. U nga kombela na Xindzingiri ku va yi ku pfuna.”







Koti na Xikhovha va ye va ya kombela Xindzingiri.

“Avuxeni, Xindzingiri. Ndzi kombela ku pfuniwa! Ndzi lahlekeriwile hi xingwavila xa mina xa nsuku.”



Xindzingiri xi hlamurile: “Ndzi ta pfuna ku lava hi ku languta emalwangwini ya yindlu. Ndzi vona ku antswa loko ndzi ri kwale henhla. U nga ha kombela na Sekwa ku va ri ku pfuna.”





Koti, Xindzingiri na lavan'wana va yile va ya kombela Sekwa.

“Avuxeni, Sekwa. Ndzi kombela ku pfuniwa. Ndzi lahlekeriwile hi xingwavila xa mina xa nsuku.”





Sekwa ri hlamurile: “Ndzi ta ku pfuna hi ku languta endzeni ka damu. Ndzi kota ku vona ku antswa endzeni ka mati. U nga ha kombela na Gogosana ku va ri ku pfuna.”







Koti, Sekwa na lavan'wana va yile va ya kombela Gogosana.

“Avuxeni, Gogosana. Ndzi kombela ku pfuniwa. Ndzi lahlekeriwile hi xingwavila xa mina xa nsuku.”



Gogosana ri hlamurile: “Ndzi ta ku pfuna hi ku languta etihunyini. Ndza swi kota ku lava na ku handza. U nga ha kombela na Hokwe ku va yi ku pfuna.”





Koti, Gogosana na lavan'wana va yile va ya kombela Hokwe.

“Avuxeni, Hokwe. Ndzi kombela ku pfuniwa. Ndzi lahlekeriwile hi xingwavila xa mina xa nsuku.”





Hokwe yi hlamurile: “Ndzi ta pfuna hi ku lava etikhabodini. Ndzi kota ku vona ku antswa endzeni ka yindlu. U nga ha kombela na huku ku va yi ku pfuna.”







Koti, Hokwe na lavan'wana va yile va ya kombela huku.

“Avuxeni, Huku. Ndzi kombela ku pfuniwa. Ndzi lahlekeriwile hi xingwavila xa mina xa nsuku.”



Huku yi hlamula: “Ndzi ta pfuna hi ku languta hinkwako ehansi. Ndza swi kota ku cela misava. Ndzi ta langutisisa ensin’wini ya tikhavichi.”

Huku yi sungule ku cela. Huku yi cele lani yi cela na leni.





Huku a yi ehleketa leswaku xingwavila a xi nga welanga ekule na laha a yi ri kona. Huku yi sungule ku cela yi yisa emahlweni switsanana.

“Languta Koti, ndzi kumile xingwavila xa wena,” ku vula huku yi ri karhi yi tlulatlula hi ntsako.





Koti ri amukerile xingwavila xa rona. “Ndzi tsakile leswaku u kumile xingwavila xa mina. I nkarhi wa ku va hi oxa leswaku hi tlangela. Ndzi rhamba hinkwavo lava nga pfuna ku lava. Ndzi kombela leswaku na le ka van’wana mi endla tano.”

